



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Origines Benedictinae, Siue Illvstrivm Coenobiorvm Ord.  
S. Benedicti, Nigrorvm Monachorvm, Per Italiam,  
Hispaniam, Galliam, Germaniam, Poloniam, Belgium,  
Britanniam, aliasque Prouincias. Exordia Ac ...**

**Le Mire, Aubert**

**Coloniae Agrippinae, 1614**

Diploma Godefridi Eo Nomine Primi, Dvcis Lotharingiae & Comitiss  
Louaniensis.

**urn:nbn:de:hbz:466:1-11261**



ctentibus. *Hac fere Ioannes Bapt. Grammaius, vir eruditus, ex eius loci monumentis nobiscum communicauit; cuius & Brabantia historiam, plura qui uolet, legat.*

**DIPLOMA GODEFRIDI  
EO NOMINE PRIMI, DVCIS  
Lotharingæ & Comitis Loua-  
niensis,**

**I**N nomine sanctæ & indiuiduæ Trinitatis. Ego Godefridus Dei ordinatione, Dux & Marchio Lotharingæ, atque Comes Louanix, omnibus fidelibus cælestes mercari diuitias. Considerans omnem mundi gloriam instar fluminis raptim præterfluere, & omnes amatores suos subito inanes & vacuos relinquere, utile mihi fore perspexi, & necessarium, ut de diuitijs, diuinâ mihi largiente bonitate concessis, aliqua seruis Dei uiuens impartirer, quæ moriens integra inuenirem. Locum itaque quemdam Fliderbeca appellatum, ab omni potestate, tam mea, quàm Ecclesiæ Louaniensis, liberum, beato Petro Hassigemiensis Ecclesiæ (sicut moris est Principibus) cum omnibus pertinentijs suis liberè tradi, ut Abbas Hassigemiensis cellam ibi, Dei & meâ meorumque opitulatione, exstrueret, monachos poneret, qui die noctuque pro mea, meorumque salute Deo supplicarent. Ut autem firma pax & concordia, inter clericos & monachos, sicut decet, inuiolabiliter perseue-

ret.



ret, ex vtraque parte immutabiliter decretum est, ne altera pars quidquam, quod iuris sit alterius partis, sibi vsurpet. Aduocatus vero loci erit, quicumque Louaniæ Comes fuerit, qui Aduocatum alium pro se numquam constituet, nec de Aduocatia illa aliud beneficium exiget, aut recipiet, nisi deuotas à fratribus orationes, & æternam à Christo remunerationem. Præterea omnem ysum tam in siluis quam in pascuis, & aquis meis, fratribus libenter annui, & vt à telonio, & omni huiusmodi exactione, in omni loco mei iuris, perpetuò sint liberi. Vt autem hæc traditio nostra firma & inconuulsa perseueret, præsentem paginam sigillo meo signaui, & idoneis testibus, quorum subscripta sunt nomina confirmaui. ¶ Signum Meuronis Decani S. Richesonis Scholastici, S. Euerardi. S. Ioannis & Henrici de Bierbeke. S. Henrici de Landen. S. VVilhelmi de Becheuoort. S. Arnulfi de Oppenthorp. Datum est hoc Louaniæ anno incarnationis

CLO.CXXV.

{:o:}

